

〔續日本紀三十稱德〕寶龜元年九月壬戌令旨略○中以去天平寶字寶字二字當作勝元年九歲改首史姓並為毗登彼此難分氏族混雜於事不穩宜從本字

〔續日本紀考證九案〕首聖武天皇御諱史藤原贈太政大臣名故避之也

〔續日本紀三十八桓武〕延曆四年五月丁酉詔曰略○中尊曾祖妣道氏曰太皇太夫人仍改公姓為朝臣又臣

子之禮必避君諱比者先帝名光仁御白壁御名及朕之諱名桓武御公私觸犯猶不忍聞自今以後宜並改

避於是改姓白髮部為真髮部山部為山略○為山二字日本紀略作為山代之三字

〔類聚國史二十八帝王〕弘仁十四年四月壬子改大伴宿禰為伴宿禰觸諱名大伴御也

〔諸家系圖纂五十八伴〕大伴宿禰

國道

從四位上參議按察使本是大伴依淳和天皇諱止大字為伴朝臣

〔類聚國史二十八帝王〕天長十年七月癸巳天下諸國人民姓名及郡鄉山川等號有觸諱明○仁者皆令改易

〔續日本紀二十孝謙〕天平寶字二年六月乙丑大和國葛上郡人從八位上桑原史年足等男女九十六人近

江國神埼郡人正八位下桑原史人勝等男女一千一百五十五人同言曰伏奉去天平勝寶九歲五月

二十六日勅書稱內大臣藤原太政大臣藤原之名不得稱者今年足人勝等先祖後漢苗裔劉言興

并帝利等於難波高津宮御宇天皇德仁之世轉自高麗歸化聖境本是同祖今分數姓望請依勅一改

史字因蒙同姓於是桑原史大友桑原史大友史大友部史桑原史戶史戶六氏同賜桑原直姓船史船

直姓

〔續日本紀二十一淳仁〕天平寶字二年八月丙寅外從五位下津史秋主等卅四人言船葛井津本是一祖別

為三氏其二氏者蒙連姓訖唯秋主等未霑改姓請改史字於是賜姓津連

〔續日本後紀九仁明〕承和七年十一月辛巳勅橘戶、蝮橋、橘連、伴橘連、橘守、橘等六姓與橘朝臣相涉宜賜